

Kuvsje orre govlemeabparaateutniejidie

Orre govlemeabparaateutnije

Buerie bæteme goh orre govlemeabparaateutnije.

Daelie mijjeh medtie 200 000 almetjh Nöörjesne mah govlemeabparaatem nuhtjeh, men enn jienebh lin maahteme hijven nåhtoem utnedh viehkiedirregistie.

Joekoen vihkeles datne jijtje skraejriem åtnah govlemeabparaatine aelkedh. Datne tjoerh jijtje sijhtedh abparaatem nuhtjedh, ij ajve dan åvteste doh lihemes fuelhkie jeahta datne dam daarpesjh, men aaj dan åvteste datne edtjh buerebelaakan govledh aarkebiejjien. Joekoen vihkeles govlemesysteeme tjoejine skreejresåvva ihke datne edtjh soptsesgoerkesem tjåadtjoehtidh.

Hijven aalkoe govlemeabparaatine.

Daelie datne govlemeteestem tjirrehtamme, jih daan teesten mietie datne leah dov voestes govlemeabparaath åådtjeme mah leah sjiehtedamme dutnjien. Datne edtjh aaj daejredh gaajkhk govlemeteepemh leah eevre sjieere, jih abparaath mah jeatjah govlemeabparaateutniejidie sjiehtieh eah seamma hijven dutnjien sjieht. Råårestallh dov audiograafine, guktie dijjieh maehtede gaavnehtidh dam abparaatem mij bööremes dutnjien sjeahta. Daennie prosesnesne tjoerh veanhtadidh abparaatide gellien aejkien sjiehtesjidh, jih dagke aaj jeatjah sårhts abparaath pryövedh.

Åahpenh dejnie orre govlemeabparaatine.

Nöörjesne ååpsen vaenie audiograafh, jih dan åvteste tjuara guhkiem vuertedh viehkiem åådtjodh orre abparaatigujmie jih dåvvoeminie. Dej lea jijnje barkoe, jih dan åvteste dah eah nuekies astoem utnieh orre utnijh bievnedh sjiehtedimmiej bijre, guktie badterijh målsodh jih guktie nuhtjedh jih reejnedh abparaatide. Dan åvteste mijjeh HLF:sne sijhtieh datnem viehkiehtidh buerebelaakan abparaatigujmie åahpenidh.

Aelkieh haarjanimmieprosessem soejmilaakan

Dov aajla lea ånnetji ånnetji vaane sjidteme nåakebelaakan govledh, guktie doh orre tjoejh jih goltelimmiesiehkies vihth orre haarjanimmie krievieh. Maahta væjsehke årrodh govlemeabparaatide nuhtjedh ajve naan tæjmoeh fierhten biejjien aalkoelisnie – seadtoes byjresinie gåetesne dov luvnie, jih dan mænngan jienebh jienebh tæjmoeh biejjieh doekoe.

Såemies raerieh guktie datne maahtah haarjanimmie aelkedh

- Åahpenh biejjieladtje tjoejigujmie.
- Damtjeh tjoejh mejtie ih leah govleme aktem bodtem, jih gaavnehth gubpede bætieh.

- Åahpenh tjoejigujmie goh: galkije tjaetsie, paehpere mij meatsa, tellefovne mij ringkie j.n.v. Aalkoelisnie dah sijhtieh dagke ånnetji jeatjahlaakan govledh goh dam maam mājhtah, men datne sijhth varke dejgujmie haarjanidh.

Soptsesth mubpiejgujmie:

- Gosse soptsestibie, mijjieh jijnjh gelliesårhts tjoejh darjobe. Ånnetji streavere meatan årrodh aktene soptsestimmesne. Datne maahtah aelkedh gielh gåetesne goltelidh mejtie damth.
- Pryövth dan mænngan meatan fulkedh soptsestimmine gusnie ånnetji vielie stadtfoot.
- Goltelth raadijovem jallh vuartesjh TV:m. Pryövth tjoejem akten njeaptjan biejedh mij mubpide sjeahta. Jis dov lea volumekontrolle dov abparaatine, pryövth tjoejem naemhtie biejedh guktie njaelkies domtoe. Daelie doh jeanatjommess abparaath aktem telespolem utnieh, jih dellie maahtah teleslyngam jallh jeatjah viehkiedirregh nuhtjedh.
- Åahpenh ovmessie goltelimmiebyjreskigujmie. Muvhti biejjiej mænngan sijhth dejtie siejhmemes tjoejide gåetesne damedth. Aelkieh dan mænngan abparaatide nuhtjedh gusnie vielie stujmie, v.g barkosne jallh sosijaale tjåanghkojne. Haarjenh gielh/tjoejh veeljedh, jih fokusem steerh ajve dejtie. V.g. aktene håalemesavkesne juvnehtibie datne edtjh pryövedh dan lihke håalijen tjakasjidh goh gåarede. Prihtjhgåetine/restaurantine lea bööremes tjakasjidh guktie datne maahtah ååredæjjam vuejnedh dejtie mejgujmie soptsesth.

Ahkedh åtnoe:

- Haarjanimmieprosessen gaavhtan aajlesne datne tjoerh abparaatem iktesth nuhtjedh. Datne sijhth dam bööremes effektem govlemeabparaatijste åadtjodh gosse datne leah haarjanamme dejtie orre tjoejide, jih govlemeabparaatide nuhtjh abpe biejjien aeriesdistie iehkiedasse.
Soptsesth guktie abparaate lea dov audiograafese.
Ihke audiograafe edtja nuepiem utnedh dam govlemeabparaatem gaavnedh jih sjeihtedidh mij bööremes dutnjien sjeahta, tjoerh soptsestidh guktie lea dutnjien. Dan boelhken gosse pryöveminie maahta akte hijven raerie årrodh våålese tjaeledh maam datne abparaaten bijre tuhtjh ovmessie tsiehkine, guktie datne maahtah audiograafese tjjelke bievnesh vedtedh gosse kontrolllese båatah. Dellie aelhkebe disse sjædta dov abparaath staeriedidh.

Gorredh dov abparaath veelelaakan.

Govlemeabparaate låpsoes sjædta jih baahkes jih gaessine sjædta. Daesnie naan raerieh juktie dov abparaath bööremeslaakan gorredidh.

- Abparaate edtja iktesth raajnes årrodh. Aellieh baajh abparaate låpsoes sjidtedh.

- Vaanesoevh bieljedåmhpide/abparaatide jaabnan reejnedh, fierhten biejjien. **Åelkies bieljedåmhpå lea mierhkesjamme rööpses, jìh gårroeh plaave.** Abparaath leah daamtaj joekehtslaakan sjiehtedamme, **dan åvteste edtjh ajve akti akti abparaatem reejnedh åvtelen dejnie mubpine aalkah!**
- Aellieh galkije aatem nuhtjh gosse abparaatem reejnh. Geehth ollh tjaetsiem abparaatase åadtjoeh.
- Gosse ih abparaatem nuhtjh dellie væjsehke badterijeskuffam ånnetji rihpestidh, (datne dam jamhkelh), jìh badterije ånnetji guhkebe ryöhkoe.

Badterijh.

- Datne byörh badterijide gejhkie sijjesne tjaavhkodh, jìh iemie tjiehtjeletemperatuvresne.

Badterijesåarhth.

- Badt. Nr. 10, Viskes ålkoeleahpa (Ryöhkoe medtie 5-7 biejjieh)
- Badt, nr. 13, Rööpses ålkoeleahpa (Ryöhkoe medtie 7-12 biejjieh)
- Badt. Nr. 312, Provne ålkoeleahpa (Ryöhkoe medtie 5-9 biejjieh.)
- Badt. Nr. 675, Plaave ålkoeleahpa (Ryöhkoe medtie 14 biejjieh. Vaenie åtnasåvva daelie)

Bievnesh elmie / sinkebadteriji bñjre

- Gaajkh govlemeabparaath mejtie mijjieh doekebe lea Zink-Air-såarhteste.
- Daate sæjhta jiehtedh, badterijesne akte aamhte sinkeste mij aalka straejmiem darjodh gosse elmie dñsse båata. **Dan åvteste: Ih gæssie gænnah leahpam destie vaeltieh åvtelen edtjh badterijem nuhtjedh!**
- Maahtah dagkerh sårhts badterijh guhkiem tjaavhkodh, jìh dah annje seamma hijven kapasiteetem utnieh gosse elmieraejkie lea steegkeldh. Dihte onne leahpa mij lea dibrehtamme badterijese, aktem jallh jienebh smaave raejkieh badterijekaassesne duvhtie. Gosse leahpam loevesje dellie elmie badterijese båata jìh sinke-aamhte aalka straejmiem darjodh, jìh dellie ij gåaredh proessesem tjöödtjestidh!
- **Medtie 1-2 minudth vaesieh dehtie raejeste leahpam loevesjh** goske straejmie ellieslaakan dorjesåvva, jìh dan åvteste maahta heannadidh abparaate bieljele "badterije lea nåhkeme" muvhten aejkien gosse orre badterijem abparaaten sijse bñejh. Daate lea eevre iemie. Vuertieh ånnetji, dellie gujht vuajnah badterije fungerede.
- Jis ij gåaredh abparaatem nuhtjedh mænngan badterijem molseme, pryövvh voestegh badterijeluehkiem rihpestidh jìh giehtjh badterije lea reaktoelaakan dibrehtamme, jìh giehtjh aaj badterijeluehkie lea eensilaakan steegkeme. (**Gaajh sveekes** badterije lea slahtjan).
- Jis dov leah gyhtjelassh, govlesadth maaje plïerehkinie dov voenges siebresne.
- **Zink-Air badterijine lea kvikksølv jìh leah klassifiseradamme goh sjïereslaavvoe.**

Reejnemedalhketjh

- Tjeehpes reejnemelaejkieh. Rijth dejtie gïrsen tjïrrh govlemeabparaatebieleste, ollh bieljiogaessiem gïrsen sijse rijth.
- ”Haarjah” sjïerelaakan dorjesovveme bieljiedâmhpide. (Baeniereejnemehaarjah mah apotekesne gâåvnesieh)
- Reejnemehaarjah, juktie gaessiem bieljiedâmhpeste vaeltedh.
- Reejnemehaarjah magneetine. Magneete dennie aktene bielesne mij maahta badterijem steeredh.
- Magneetepeannah. Peannah veaksehks magneetine juktie badterijh olkese vaeltedh jih sijse biejedh.
- Bussemeballongh. Juktie gïrsen/dâmhpan tjïrrh bussedh reejnemen mænngan.
- Filterh. Juktie nuhtjedh ”Bieljien sisnie-abparaatine” jih ”bieljien duekesne-abparaatine”.

Utnijh daamtaj ovmessie reejnemedalhketjh åadtjoeh goh reejnemelaejkieh jih reejnemehaarjah abparaatine ektine.

Aelhie funksjovneteeste govlemeabparaatijste

Steegek badterijeluehkiem jih steerh abparaatem gieten sisnie, dellie abparaate edtja plæjhtjodh (resonanse).

Jis ij plæjhtjoeh:

- Gïehtjh badterijeluehkie lea steegkeldh, jih ij mij gænnah leah gaskesne dabranamme.
- Gïehtjh badterije lea reaktoelaakan dibrehtamme. Åajvahkommes badterijesæjroe gusnie njimkehtse lea orreme, edtja ålkoebielesne årrodh.
- Gïehtjh mejtie guhkiem mænngan badterijem målsoejih. (Gosse badterijh aelkieh nåake sjïdtedh dellie abparaath dan bijre bieljele jienebi åenehks pipigujmie aktem bodtem åvtelen dah eah vielie fungeredh.)
- Gïehtjh olles gaessie raejkem duvhtie bieljiedâmhpesne, jallh gïrsesne.
- Gïehtjh olles filterh leah duvhties. (Dellie tjoerh dejtie målsodh)
- Gïehtjh olles gïrse lea sojjeldahkesne” (Dellie tjoerh dam målsodh.)

OBS! Govlemeabparaath eah tjaetsiem tööllh!

Mujhtieh dam gosse:

- obre
- datne sjåavkoeh
- voeptide bissh

Jih akte vihth joekoen vihkeles aate:

Dov orre govlemeabparaati åasa lea medtie 6000,- kråvnah fierhten abparaaten åvteste,
guktie mujhtieh dejtie tjirkedh!

Akte onne raerie: Giëhtjh mah kriëvenassh jih man jijnjem datne tjoerh jijtje maeksedh dov tjirkemesieltesne. Tjaangh dan mænngan sæjrose HLF.no (Govlemeheaptoji rijhkesiebrie)) jih giëhtjh dam seamma desnie – dagke datne ierielimmesne sjidth?

Daate gujht hijven gåarede, datne dam jeanatjomesem govlh mij jeahtasåvva, jih kraesiennjålhtjam vihth govlh, jih gaajhke ajve aavoe jih gearjoe.

Men dle akten biejjien:

- Ij leah mov badterijh – Filtere lea duvhties – Girse lea tsoepkenamme - Bieljiedåmpha lea slahtjan!

Manne viehkiem daarpesjem!

Nöörjesne HLF:n lea jijnjh plierehkh daejtie: Govlemeabparaateutnijn - Tinnitus – dah mah barkosne – eejhtegh/maanah jih noerh

Dah leah kuvsjem tjirrehtamme jih lihtsegidie viehkiehtieh aelhkie aatigujmie goh: badterijh, såemies filterh – girsh - bieljiedåmhpah duekieh.

Govlesadth, dagke plierehke maahta viehkiehtidh!

- Akte onne raerie: giëhtjh mennie åesesne badterijh leah dov lihemes plierehken jallh HLF:n luvnie, åvtelen åastah. Daesnie lihtsegh maehtieh jijnjh beetnegh spååredh!
- Raeriem daarpesjh, jallh daarpesjh giejnie akt soptsestidh dov govlemedåeriesmoeren bijre, dellie mijjeh aaj maehtieh dejnie viehkiehtidh.

Læhkoe dejnie dov orre govleminie!



Sjeavohth ! Manne
kraesiennjälhtjam govlem!